

Bibila Samu ti Bana
kuvwanda na kati ya

Nzambi mekaka
kiminu ya
Abalayami



Yawu sonamaka na: Edward Hughes

Yina basisaka yawu ni: Byron Unger; Lazarus
Alastair Paterson

Yina yidikaka yawu ni: M. Maillot; Tammy S.


Samu na kusamuna yawu:
www.christian-translation.com

Yina mwangisaka nsangu ni: Bible for Children
www.M1914.org

©2025 Bible for Children, Inc.

Muswa: Nge kele na muswa ya kubasisa banongo yayi na
mutindu ya nkaka, kana nge zola to nge zola ve.





kilumbu mosi na mpimpa,
Nzambi pesaka na
Abalayami ntumunu mosi
ya ngitukulu. Ya vwandaka
samu na kutala kana
Abalayami zolaka mwana
ya yandi Isaaki kulutula

Nzambi.



Nzambi tumisaka mutindu yayi:
"Baka mwana ya nge Isaaki, pesa
munu yandi mutindu
munkayulu". Kupesa
Isaaki? Mwana ya
munu, munkayulu? Ya
vwandaka mpasi mingi
samu na Abalayami.
Yandi zolaka mingi
mwana ya
yandi.




Kasi Abalayami longokaka na kutula
kivuuvu ya yandi na Nzambi ata ti yandi
vwandaka visa ve. Na suka,
yandi bakaka nzila samu na
kukwenda na mongo ya minkayulu.


Yandi kwendaka
kintwadi na
bisadi ya yandi

zole
mpe na
Isaaki.



Tekila bawu kwenda,
Abalayami basulaka
bankuni samu na tiya ya
munkayulu. Abalayami
vwandaka na dibanza ya
kutumama na Nzambi.





Bilumbu tatu, ntangu bawu
vwandaka belama na mongo,
Abalayami tubaka na bisadi ya yandi
mutindu yayi: "Beno bikana awa.
Munu na Isaaki beto ke kwenda
na mwa mantwala kuna,

samu na kubondila
Nzambi, mpe beto
ke kwiza baka
beno."



Isaaki nata bankuni mpe
Abalayami bakaka makala
samu na tiya - yandi bakaka
mpe mbele.



Isaaki yufulaka: "Wapi mwana ya dimeme samu na munkayulu?" Abalayami vutuluka: "Ni Nzambi yandi mosi ke pesa beto mwana ya dimeme".




Bawu nyonso zole kumaka na
kisika yina Nzambi soolaka.
Abalayami yidikaka kisika
ya kuyokila munkayulu mpe
yandi tulaka bankuni samu
na dikabu ya Nzambi.



Na bantangu ya ntama,
Abalayami yidikaka
bisika mingi ya
kupesilaka minkayulu,
kasi na kutala mbote,
yayi lutilaka mwa mpasi.



Abalayami kangaka Isaaki, mwana ya yandi ya luzolo basinga kuna na zulu ya kiyokolo ya munkayulu. Ya tsyelika ti Abalayami zolaka na kutumama na Nzambi, na kupesa mwana ya yandi kaka mosi mutindu munkayulu?





Ee! Mbele lezimaka ntangu Abalayami nangunaka diboko na zulu. Ya lenda vwanda ti yandi vwandaka na mpasi na ntima, kasi Abalayami zabaka ti yandi fwanaka tumama na Nzambi.





Mbazi ya
Nzambi
lookaka: "BIKA!
Ntangu yayi, mu
me ndima ti nge
zola Nzambi,
samu ti nge me
yimina munu ve
mwana ya nge
kaka mosi".



Abalayami talaka nkombo
ya mbakala ya kukangama
na kati ya matiti, yandi
bikaka Isaaki mpe yandi
pesaka nkombo yina na
munkayulu na kisika ya
Isaaki.



Ya lenda vwanda ti
Isaaki yindulaka mutindu
yayi: "Nzambi me sala na
dede mambu yina tata
ya munu tubaka."



Ntangu tata na mwana wandaka bondila Nzambi,
mbazi tubuka dyaka na Abalayami mutindu yayi:

"Makanda nyonso ya bantu ke kuzwa lusakumunu na
nzila ya bana ya nge, samu ti nge me
tumama na munu." Na mantwala,
Yesu ke butuka na kati ya dikanda ya
Abalayami.



Abalayami mpe Isaaki vutukaka ya bawu na yinzo ya bawu. Na manima ya mambu yina lutaka, kyadi kwizaka kotila bawu. Saala kufwaka. Abalayami fwilaka kento ya yandi mpe Isaaki fwilaka mama ya yandi.



Na manima ya
kukunda Saala,
Abalayami fidisaka kisadi
ya yandi samu na kwenda
sosila Isaaki kento.



Kisadi yina vutukaka
na yinsi ya mbutukulu
ya Abalayami, samu na
kuzwa kento na kati ya dikanda
ya Abalayami.



Kisadi lombaka kidimbu na sika ya Nzambi. "Kento yina ke pesa maza ya kunwa na basamo ya munu, bika ya kuvwanda ti ni yandi kento ya Isaaki" na mbala mosi, Lebeka pesaka basamo maza ya kunwa. Yandi vwandaka muntu ya dikanda ya Abalayami. Kisadi zabaka ti Nzambi lungisaka lusambulu ya yandi.



Lebeka bikaka dikanda ya yandi samu na kwenda kwelanana na Isaaki. Ni mutindu yina Isaaki kuzwaka mbombodolo ya lufwa ya mama ya yandi. Isaaki zolaka mingi Lebeka!



Nzambi mekaka kiminu ya Abalayami

Nongo yayi ya nene me katuka na kati ya
mambu ya Nzambi, Bibila

yawu kele ya kusonama na kati ya

Mbandukulu 22-24

"Luzabu ya mambu ya nge ke kyenzolaka, yawu ke
pesaka mayela na bantu yina zaba mingi ve."

Mikunga 119:130



Nsuka



Nongo yayi ya bibila, ya ke na kulakisa ti Nzambi kele mbote, ni yandi yidikaka beto mpe nge fwana kuzaba yandi.

Nzambi zaba ti beto salaka yimbi yina kotisaka beto na kati ya masumu. Difuti ya disumu kele lufwa, kasi Nzambi zola nge mingi, ni yawu yina yandi fidisaka mwana ya yandi kaka mosi, Yesu, yina kwizaka kufwa na kunlunsi samu na masumu ya nge. Yesu vumbukaka na lufwa mpe yandi vutukaka na zulu. Kana nge kwikila na yandi mpe kana nge lomba na yandi mulemvo samu na masumu ya nge, yandi ke lemvokila nge! Yandi ke kwiza zinga na kati ya nge mpe nge ke zinga na yandi ya mankululu.

kana nge kwikila, nge ke kuma ya kuvedila, tuba mutindu yayi na Nzambi: Yesu, mu me kwikila ti nge kele mwana ya Nzambi. Nge kufwaka samu na masumu ya munu mpe nge vumbukaka na lufwa. Kota na luzingu ya munu mpe katula masumu ya munu, na manima, bika ti mu kuma muntu ya malu-malu, mpe ti kubanda bubu yayi, mu vwanda na nge ya mankululu. Sadisa munu samu ti mu kwikila na nge bantangu nyonso, mpe ti mu vwanda mwana ya Nzambi. Amen!

Tangu bibila mpe solola na Nzambi bilumbu nyonso! Yowane 3.16

